



SÝSLUMAÐURINN  
Í REYKJAVÍK

# ÁRSSKÝRSLA 2006

2006

Ársskýrsla 2006

Sýslumaðurinn í Reykjavík 2007

Umsjón: Úlfar Lúðvíksson

Ljósmyndir: Arnaldur Halldórsson

Umbrot og prentun: Prentmet ehf.

## Efnisyfirlit

4	Inngangur
5	Umdæmi
6	Húsnæði embættisins o.fl.
8	Stjórnskipurit
9	Skipurit verkþátta
9	Starfsfólk
11	Starfsemi
16	Lokaorð
17	Tölulegar upplýsingar

## Inngangur

Hér birtist ársskýrsla sýslumannsins í Reykjavík fyrir árið 2006. Í henni eru ýmsar upplýsingar um starfsemi embættisins á því ári.

Starfsemin var í föstum skorðum og tókst vel til með faglega afgreiðslu mála og rekstur embættisins.

Með sívaxandi íbúafjölda í umdæmi sýslumannsins fer ekki hjá því að sum verkefni vaxi jafnt og þétt þótt önnur, sem fremur eru háð atvinnuástandi og almennri velferð í þjóðfélaginu, standi í stað eða jafnvel dragist saman um sinn.

Ýmislegt var gert til að styrkja reksturinn eins og með gerð stofnanasamninga við starfsfólkið, auknum fjárframlögum og stórbættri aðstöðu starfsfólks með tilkomu nýs kaffi- og fundarsalar og nýrri afþreyingar- aðstöðu.

Síðla árs hófst vinna við að taka formleg starfsmannasamtöl við starfsmenn embættisins og verður fyrstu umferð í því ferli lokið snemma þessa árs og síðan er áformað að halda því áfram reglulega á næstu árum.

Í ársskýrslunni eru gagnlegar upplýsingar um umdæmið, íbúafjölda og þróun, húsnæði embættisins, stjórn-skipulag, starfsfólk, starfsemi fagdeilda, tölulegar upplýsingar um málafjölda og afdrif mála og rekstrar-kostnað.

Skýrslan gefur góða mynd af umfangi og framvindu mála hjá embættinu og á með þeim hætti að endurspegla starfsemina.

*Rúnar Guðjónsson sýslumaður*


## Umdæmið

Í umdæmi sýslumannsins í Reykjavík eru sveitarfélögin Reykjavík, Seltjarnarnes, Mosfellsbær og Kjósarhreppur og var íbúafjöldi 31. desember 2006 samkvæmt tölum frá Hagstofu Íslands þannig:


Reykjavík 116.642, Seltjarnarnes 4.471, Mosfellsbær 7.516, Kjósarhreppur 182 eða samtals 128.811.

Íbúunum hefur fjölgað í umdæminu um 1,7% á einu ári en um 18.609 frá 1. desember 1992 en embætti sýslumannsins í Reykjavík var stofnað 1. júlí það ár og hefur íbúum fjölgað um tæp 17% í umdæminu á tímabilinu.


Þróun íbúafjölda í Reykjavík 1992 til 2006




Þróun íbúafjölda á Seltjarnarnesi 1992 til 2006



Þróun íbúafjölda í Mosfellsbæ 1992 til 2006



Þróun íbúafjölda í Kjósarhreppi 1992 til 2006



## Húsnæði embættisins o.fl.

Embættið er með aðsetur að Skógarhlíð 6 í Reykjavík. Húsnæðið er í eigu ríkissjóðs og greiðir embættið húsaleigu fyrir afnotin. Hið leigða húsnæði er alls 2.370 fermetrar en auk embættisins er Útlendingastofnun með starfsemi í húsinu. Ræsting húsnæðis er keypt af Lss Ísland ehf. og öryggis- og þjófavarnakerfi eru frá Securitas hf.

Stofnanir hússins samnýta kaffistofu og fundarsal í húsinu, sem komst í gagnið síðla árs, til mikilla hagsbóta fyrir starfsmenn hússins.

Nýr afgreiðslusalur sífja- og skiptadeildar var tekinn í notkun á árinu.

Engar markverðar endurbætur voru gerðar á svokölluðum sýslumannaforritum á árinu en forrit þessi eru komin vel til ára sinna og löngu tímabært að endurskoða þau frá grunni.

Á árinu voru tölvuskjáiir starfsmanna endurnýjaðir en annan búnað þarf að endurnýja eftir því sem fjárveitingar hrökkva til.






Helga Stefánsdóttir gjaldkeri í þinglýsinga – og skráningadeild.


## Stjórnskipurit

Embættið starfar eftir stjórnskipulagi sem samþykkt var af dómsmálaráðuneytinu og tók gildi í ársbyrjun 1999. Endurútgáfa þess fór fram á árinu 2000 vegna smávægilegra breytinga.





## Skipurit verkþátta



## Starfsfólk

Hinn 31. desember 2006 voru fastráðnir starfsmenn embættisins alls 60, þ.e. tveimur færri en 31. desember 2005. Fjórir laganemar voru í námsvist hjá embættinu á árinu 2006 og gengu þeir í sumarafleysingar ásamt þremur öðrum námsmönnum sem ráðnir voru til starfa sumarmánuðina. Fimm starfsmenn létu af störfum árið 2006. Af þessum fimm starfsmönnum fór einn til náms erlendis, þrír hurfu til annarra starfa og tveir settust í helgan stein.

Af fastráðnu starfsfólki voru karlmenn 10 (16,67%) og konur 50 (83,33%). Þetta er svipað hlutfall og undanfarin ár. Ef eingöngu er horft til stjórnenda og sérfræðinga voru karlar (36,37%) en konur (63,63%). Sérfræðingar við embættið eru allir lögfræðingar.



Eyrún Kjartansdóttir, Hanna Jóhannsdóttir og Brynja Tómasdóttir bera saman bækur sínar.

Skrifstofumenn við embættið eru 38 og var meðalaldur þeirra 53,5 ár. Lögfræðingar við embættið eru 22 og var meðalaldur þeirra 45,7 ár.

Sýslumaðurinn í Reykjavík vill sjá starfsmenn efla þekkingu sína og viðhalda með símenntun en Járnsíða - skóli fyrir starfsmenn sýslumannsembætta - sem starfræktur er af Starfsmennt hefur verið vel sóttur af starfsmönnum embættisins.

Áður var vikið að því að stofnanasamningar voru gerðir við allt starfsfólk embættisins á árinu 2006 og voru undirritaðir í apríl og júlí.

Formleg starfsmannasamtöl hófust á árinu 2006 eins og vikið var að í inngangi.

Starfsmannastefna og jafnréttisáætlun embættisins er birt á heimasíðu þess: [www.syslumadur.is](http://www.syslumadur.is)

## Starfsemi

### *Þinglýsinga- og skráningadeild*

Eins og einatt áður voru annir í starfsemi þinglýsinga- og skráningadeildar á árinu 2006. Vert er þó að geta þess að töluvert dró úr fjölda þinglýsinga en í ár voru innlögð skjöl til þinglýsingar tæplega 55 þúsund en árin 2005 og 2004 höfðu verið metár í þinglýsingu en þá bárust yfir 70 þúsund skjöl til þinglýsingar hvort ár. Vafalítið er þessi fækkun þinglýsinga vegna samdráttar á fasteigna- og lánamarkaði.

Hið nýja tölvukerfi þinglýsinga sem tekið var í notkun árið 2004 hefur reynst vel en þá voru upplýsingar opinberra aðila, sveitarfélaga og ríkis, er varða fasteignaréttindi samræmdar í Landskrá fasteigna.

Átaksverkefni sem fór af stað á árinu 2005 með samkomulagi embættisins og Fasteignamats ríkisins frá því í nóvember 2004 um að ljúka skráningu gömlu handskrifuðu fasteignabókanna í Landskrá fasteigna hélt áfram á árinu og miðar vel þótt nú starfi færri að verkefninu.



Á árinu hóf deildin að skanna þinglýst skjöl er varða bein eignaréttindi yfir fasteignum. Nýlega var gengið enn lengra og er svo komið að öll skjöl sem þinglýst eru í Landskrá fasteigna eru skönnuð. Þetta hefur reyndar tafið nokkuð verkferli þinglýsinga en vonir standa til að skönnunin skili sér ríkulega er fram líða stundir. Fljótlegra verður að afgreiða afrit skjala s.s. til fasteignasala og fjármálastofnanna og möguleiki er að atvinnulífið geti í framtíðinni fengið aðgang að þessum upplýsingum sem mun væntanlega hafa mikið hagræði í för með sér.

Notkun þjónustusíma sem settur var á laggirnar 1. desember 2005 fyrir fasteignasala og fjármálastofnanir hefur aukist jafnt og þétt. Það hafa mælingar sem deildin hefur gert á hringingum í hann sýnt. Vonandi eykur hann skilvirkni og bætir þjónustu sýslumannsins við áðurgreinda aðila.

Utankjörfundaratkvæðagreiðsla vegna sveitarstjórnarkosninganna fór fram í vor en deildin hafði yfirumsjón með henni sem endranær. Atkvæðagreiðslan hófst átta vikum fyrir kjördag eins og lög mæla fyrir um. Fyrst í stað fór atkvæðagreiðslan fram á skrifstofu sýslumanns en ca. þremur vikum fyrir kjördag færðist hún í Laugardalshöll. Kjörsókn var mikil en alls kusu 11.941 utan kjörfundar og eru þá aðsend atkvæði með talin.

Önnur starfsemi deildarinnar s.s. firmaskráning og lögbókandagerðir þ.m.t. staðfesting erfðaskráa, útdráttur í happdrættum, skráning kaupmála og eftirlit með atburðum ýmis konar var svipuð og liðin ár. Þó er rétt að geta þess að staðfestingar lögbókanda á skjöl fyrir ört vaxandi hóp nýbúa hefur aukist mjög.

*Þórir Hallgrímsson deildarstjóri*

### *Fullnustudeild*

Verkefni fullnustudeildar eru aðallega samkvæmt lögum nr. 90/1989 um aðför, lögum nr. 31/1990 um kyrrsetningu, lögbann o.fl., lögum nr. 90/1991 um nauðungarsölu og lögum nr. 53/2006 um öflun sönnunargagna vegna ætlaðra brota á hugverkarétti.

Fullnustudeild annast samkvæmt þessu, fjárnám, útburðar- og innsetningarmál, lögbannsmál, kyrrsetningarmál og löggeymslu. Þá annast deildin nauðungarsölu á fasteignum, skipum, flugvélum, bifreiðum og öðru lausafé og sér um innheimtu og úthlutun fjár sem kemur fyrir eignir við nauðungarsölu, útgáfu afsala og annarra heimildarbréfa vegna eignanna. Í tengslum við nauðungarsölu á lausafé eru gefnar út heimildir til vörslutöku lausafjár og veitt aðstoð við vörslutöku ef þörf krefur.

Á árinu 2006 bættist nýr málaflokkur við verkefni deildarinnar þ.e. mál sem varða öflun sönnunargagna vegna ætlaðra brota á hugverkarétti. Byggist þessi málaflokkur á lögum nr. 53/2006 en þau tóku gildi 1. júlí 2006. Aðeins eitt mál barst sýslumanni af þessu tagi á árinu.

Nokkur fjölgun varð í flestum málaflokkum fullnustudeildar árið 2006 og töluverðar annir hjá starfsfólki deildarinnar af þeim sökum. Mótteknar fjárnámsbeiðnir voru u.þ.b. 3.200 fleiri en árið 2005. Þá vekur athygli að töluvert færri fjárnámsgerðum var lokið árið 2006 en 2005, þar er munurinn u.þ.b. 2.500 gerðir. Ástæðu þess má einkum rekja til þess að á árinu 2005 stóð yfir átaksverkefni í deildinni sem hófst árið 2004 og lauk árið 2005. Í þessu átaki var ráðist í að ljúka sem flestum af þeim málum sem höfðu safnast upp hjá embættinu í gegnum árin og ekki tókst að ljúka þar sem gerðarpolar mættu ekki til fjárnáms eða að ekki tókst að hafa upp á þeim. Var embættinu úthlutað fjármunum til að framkvæma þetta átak. Verkefnið gekk vel og tókst að fækka verulega þeim málum sem söfnuðust upp og biðu afgreiðslu. Samkvæmt aðfararlögum er gert ráð fyrir að í slíkum tilvikum aðstoði lögreglan við að færa gerðarpola til sýslumanns. Því lögboðna hlutverki sínu hefur lögreglan ekki getað sinnt og því vilja mál safnast upp hjá embættinu. Þar sem átaksverkefni var ekki í gangi hvað þetta varðar árið 2006 og lögreglan hefur heldur ekki getað sinnt þessu verkefni eru mál farin að safnast upp á ný. Þá hefur hugsanlega haft sitt að segja í þessu sambandi að starfsfólk deildarinnar var færra árið 2006 en árin á undan. Vegna úrræðaleysis við að vinna bug á þessum vanda og vegna fjölgunar mála má búast má við að á ný safnist upp ólokin aðfararmál hjá embættinu nema gripið verði til ráðstafana til að koma í vega fyrir það.



Ekki var um verulega fjölgun að ræða í öðrum málaflokkum en mótteknum beiðnum um nauðungarsölu á fasteignum og fasteignum seldum nauðungarsölu fjölgaði þó nokkuð svo og innsetningarmálum og kyrrsetningarmálum. Ekki var um teljandi mun að ræða í öðrum málaflokkum fullnustudeildar og málafjöldi þar nokkuð í samræmi við meðalár.

Starfsfólk fullnustudeildar hefur verið alls 16 undanfarin ár, 8 lögræðingar og 8 skrifstofumenn. Árið 2006 voru lögræðingar deildarinnar heldur færri eða 6 talsins.

Pegar á heildina er litið gekk starfsemi fullnustudeildar vel á árinu og starfsfólk lagði sig fram um að vinna störf sín af vandvirkni og veita góða þjónustu og eru því færðar bestu þakkir fyrir sitt framlag.

*Þuríður Árnadóttir deildarstjóri*

### *Sifja- og skiptadeild*

Verkefni sifja- og skiptadeildar sýslumannsins í Reykjavík eru á sviði sifjamála, dánarbúa og lögráðamála og eru sifjamálin sýnu fyrirferðarmest. Óhætt er að giska á að starfið á því sviði sé 60-70% af starfinu í deildinni. Dánarbúin koma þar á eftir, en lögráðamálin eru fyrirferðarminnst. Ný sifjamál til meðferðar voru 2130 talsins árið 2006, dánarbú ný á skrá voru 958 og þá komu 182 ný lögræðismál til meðferðar á árinu 2006.





Á síðasta ári voru gerðar lagabreytingar sem snertu starfssvið deildarinnar. Barnalögum nr. 76/2003 var breytt með lögum nr. 69/2006 sem komu til framkvæmda 30. júní 2006. Mikilvægasta og umtalaðasta breytingin var sú að nú mæla barnalög fyrir um að foreldrar fari sjálfkrafa sameiginlega með forsjá barna sinna eftir skilnað eða slit skráðrar sambúðar nema annað sé ákveðið. Við sambúðarslit eða skilnað er því ekki gerður sérstakur samningur um forsjá, nema þegar foreldrar vilja víkja frá meginreglunni um sameiginlega forsjá. Eftir sem áður þarf að ákveða hjá hvoru foreldra barn á að hafa lögheimili og þar með fasta búsetu. Við þessa lagabreytingu kom það viðhorf í fyrsta sinn fram í barnalögum að sameiginleg forsjá sé ákjósanlegasta skipan forsjár eftir skilnað eða sambúðarslit. Þannig hefur löggjafinn með lögum 69/2006 tekið afstöðu með sameiginlegri forsjá. Rísi ágreiningur um forsjá, fer hann til dómstóla og dómsorð vegna forsjarágreinings hljóðar alltaf upp á að annað hvort foreldra hafi eitt forsjá. Þannig er það óbreytt, að hafni annað hvort foreldra því að hafa sameiginlega forsjá eftir skilnað eða sambúðarslit, þá verður ekki af sameiginlegri forsjá. Þegar foreldrum sem hingað koma vegna skilnaðar eða sambúðarslita er leiðbeint um lagareglur um forsjá, er í samræmi við áherslur í hinum nýju lögum lögð aukin áhersla á leiðbeiningar um áhrif skráningar lögheimilis barns.

Í upphafi árs 2006 var tekið upp nýtt verklag hjá sýslumönnum við vinnslu svokallaðra milligöngumála og er þar verið að vísa til sífjamála þar sem gagnaðili býr erlendis. Fram til þess hafði gagnaðila verið kynnt erindið fyrir milligöngu dómsmálaráðuneytisins og utanríkisráðuneytisins og hafði það í för með sér óhóflega langan málsmeðferðartíma. Framvegis kynna sýslumenn erindin milliliðalaust, með bréfi til gagnaðila máls og sendi dómsmálaráðuneytið sýslumönnum leiðbeiningar auk fyrirmynda bréfa á ensku og dönsku. Er óhætt að segja að hið nýja verklag hafi reynst þrýðilega og leitt til mun skemmri málsmeðferðartíma í þeim málum þar sem gagnaðili býr erlendis.

Þeir sem hafa á hendi fjárhald fyrir ófjárráða einstakling eiga að skila til sýslumanns einu sinni á ári skýrslu um fjárhald sitt á liðnu ári. Gildir þetta um alla sem annast fjárhald fyrir fjárræðissvipta einstaklinga og um þá foreldra sem annast vörslu hærri upphæðar en kr. 500.000 fyrir barn sitt. Alltof algengt er að fjárhaldsmenn sinni alls ekki þessari skyldu sinni, eða aðeins með miklum eftirgangsmunum af hálfu sýslumanns. Það hefur því reynst óhjákvæmilegt í fjölda tilvika að grípa til þess úrræðis að setja fjárhaldsmann af og skipa skjólstæðingnum nýjan fjárhaldsmann.

Færst hefur í vöxt að háskólanemar leiti til deildarinnar til að viðað sér efni í rannsóknarverkefni. Það er stefna embættisins að greiða fyrir slíku, eins og kostur er. Á síðasta ári fengu tveir nemar liðsinni deildarinnar vegna verkefna sinna, annað á sviði aukins meðlags, hitt varðaði upplýsingagjöf til fólks vegna skilnaðar. Eins og undanfarin ár tók deildin um vorið á móti hópi nema í félagsráðgjöf til að kynna þeim starfsemina og gefa þeim kost á að fræðast um verkefni deildarinnar.

Fræðslusetrið Starfsmennt hefur staðið fyrir námskeiðum sem eru sérstaklega sniðin að þörfum starfsmanna sýslumannsembætta og hafa starfsmenn deildarinnar verið duglegir að nýta sér þau.

Síðasta haust vakti Umboðsmaður neytenda máls á því við embættið að nýta mætti heimild 1. mgr. 107. gr. laga um meðferð einkamála í héraði til að leysa ágreining í neytendamálum. Samkvæmt greininni geta aðilar ágreinings leitað til sýslumanns með ósk um sáttamiðlun. Ekki hafa enn borist slík erindi, þó laga heimildin sé til staðar, en verkefnið mun falla innan starfssviðs sífja- og skiptadeildar þegar og ef til kemur. Lögfræðingar í deildinni hafa sótt námskeið sem miðar að því að auka færni þeirra til að taka á slíkum erindum.

Nýtt eyðublað fyrir erfðafjárskýrslu var á síðasta ári gert aðgengilegt viðskiptavinum á heimasíðu RSK, þar er hægt að fylla út eyðublaðið, sem reiknar út samtölur og skiptingu, og prenta út til undirskriftar. Þetta hefur reynst til mikils hagræðis.

Tölur um málafjölda gefa mikilsverðar upplýsingar um umfang verkefna og þróun í einstökum málaflokkum. Þróun undanfarinna ára í þá átt að faðernismálum hjá sýslumanni fækkar, heldur áfram og málum vegna dagsekta heldur áfram að fjölga. Einnig er áhugavert að skoða hvað málin segja efnislega, en það er tímafrek vinna. Á síðasta ári var athugað hver er efnisleg niðurstaða í málum vegna aukins meðlags og kom í ljós að nærfellt helmingur úrskurða um aukið meðlag er þess efnis að kröfu um slíkt er hafnað. Annað er uppi á teningnum varðandi sérstakt framlag, sem næst allir úrskurðir vegna fermingarframlags eru um að það skuli greiða, og mestur hluti úrskurða vegna tannréttinga. Vekur þetta spurningar um hvað veldur því að mun meira er lagt fram af kröfum um aukið meðlag, sem ekki reynist grundvöllur fyrir, en á við um sérstaka framlagið.

Töluverðar breytingar voru gerðar vorið 2006 á herbergjaskipan þess húsnæðis sem deildin hefur til umráða. Skrifstofur lögfræðinga eru nú allar á sama ganginum og fimm skrifstofumenn vinna saman í opnu rými þar sem einnig eru geymd skjöl í opnum málum. Vinnuaðstaðan eftir þessar breytingar fellur betur að þörfum starfseminnar og er almennt betri fyrir starfsmennina. Símsvörun er stór hluti þeirrar þjónustu sem veitt er viðskiptavinum. Í deildinni eru 4-5 skrifstofumenn sem svara fyrirspurnum í síma meðfram öðrum verkefnum sínum og einnig er lögfræðingur til taks fyrir símafyrirspurnir viðskiptavina í 4 klst. á dag. Í kjölfar breytinga á vinnuaðstöðu voru gerðar breytingar á stillingu símkerfis og skipulagi símsvörunar með það að markmiði að bæta símsvörun í deildinni.

*Eyrún Guðmundsdóttir deildarstjóri*



Systurnar Birna og Ólöf Markúsdætur í þinglýsinga – og skráningadeild.

## Lokaorð

Í ársskýrslunni er reynt að gefa eins glögga mynd af starfsemi embættisins og unnt er í stuttu máli.

Tölfræðikaflinn hér á eftir gefur yfirlit yfir málategundir, málafjölda og sýnir afgreiðslur mála undanfarin ár.

Þá eru í lokin birtar niðurstöðutölur úr rekstrarreikningi embættisins fyrir árið 2006.



## Tölulegar upplýsingar

Þinglýsinga - og skráningadeild


DAGBÓKARFÆRÐ SKJÖL:

ÁR	2003	2004	2005	2006
Fjöldi dagbókarfærðra skjala til þinglýsingar	62197	71644	70778	54444




ERFDASKRÁR-KAUPMÁLAR O.FL.

ÁR	2003	2004	2005	2006
Fjöldi erfðaskráa	88	85	122	113
Fjöldi skráðra kaupmála	151	139	166	164
Fjöldi skráðra félaga	95	93	80	85
Fjöldi lögbókandagerða			1651	2123
Fjöldi happdrætta			35	25




*ÞJÓNUSTUSÍMI:*

ÁR	2006
Símtöl frá bönkum	2696
Símtöl frá fasteignasölum	3800
Almenn símtöl	6445
Símtöl frá lífeyrissjóðum	634
Símtöl frá lögmönnum	484
Símtöl frá bílasölum	103



*LJÓSRITUN OG PANTANIR SKJALA 2006:*

ÁR	2006
Fjöldi pantana	8849
Fjöldi ljósrita	117211






## Fullnustudeild

### NAUÐUNGARSÖLUR:


ÁR	2003	2004	2005	2006
Fjöldi seldra fasteigna	310	215	83	91
Fjöldi seldra bifreiða	707	516	378	367
Annað lausafé selt	52	12	50	16

Skráðar fasteignabeiðnir voru alls 2509 árið 2006 en bifreiðabeiðnir 2251.




**FJÁRNÁM:**

ÁR	2003	2004	2005	2006
Fjöldi fjárnámsbeiðna	28294	21600	15913	19129
Fjöldi lokinna gerða	25052	29834	19580	17088




**ÚTBURÐIR - INNSETNINGAR:**

ÁR	2003	2004	2005	2006
Fjöldi útburðabeiðna	98	98	66	67
Fjöldi innsetningabeiðna	10	21	12	20



*KYRRSETNINGAR, LÖGBÖNN OG LÖGGEYMSLUR:*

ÁR	2003	2004	2005	2006
Fjöldi kyrrsetningabeidna	26	17	14	26
Fjöldi lögbannsbeiðna	19	9	19	16
Fjöldi löggeymslubeiðna	10	3	2	7



## Sifja – og skiptadeild

### 1. SIFJAMÁL ALLS samkvæmt sifjamálaskrá:

ÁR	2003	2004	2005	2006
Ólokin mál í ársbyrjun	291	339	334	313
Ný mál ársins	2495	2421	2229	2130
Alls til meðferðar á árinu	2786	2760	2563	2443
Úrskurðir í ágreiningsmálum	143	195	197	187
Niðurstaða á grundvelli samkomulags	1805	1663	1490	1518
Afturkölluð/niðurfelld mál	140	198	226	210
Lokið með öðrum hætti	298	312	281	242
Lokin mál alls á árinu	2386	2368	2194	2157
Ólokin mál í árslok	400	392	369	286




Úr fundarsal embættisins.

## 2. SIFJAMÁL eftir málaflokkum:


### UMGENGNISMÁL:

ÁR	2003	2004	2005	2006
Ólokin mál í ársbyrjun	78	85	97	72
Ný mál ársins	162	209	181	182
Alls til meðferðar á árinu	240	294	278	254
Úrskurðir	17	28	27	20
Samningar	47	45	54	47
Afturkölluð/ niðurfelld mál	51	78	78	65
Lokið með öðrum hætti	40	46	47	38
Lokin mál alls á árinu	155	197	206	170
Ólokin mál í árslok	85	97	72	84



**DAGSEKTARMÁL:**

ÁR	2003	2004	2005	2006
Ólokin mál i ársbyrjun	3	1	4	6
Ný mál ársins	5	12	17	17
Alls til meðferðar á árinu	8	13	21	23
Úrskurðir	2	6	4	1
Samningar	1	0	1	2
Afturkölluð/ niðurfelld mál	1	0	7	12
Lokið með öðrum hætti	3	3	3	0
Lokin mál alls á árinu	7	9	15	15
Ólokin mál í árslok	1	4	6	8








Utankjörfundaratkvæðagreiðsla í Laugardalshöll.

**FAÐERNIS- OG MEÐLAGSMÁL:**


ÁR	2003	2004	2005	2006
Ólokin mál i ársbyrjun	28	27	26	54
Ný mál ársins	495	420	313	246
Alls til meðferðar á árinu	523	447	339	300
Faðernisviðurkenningar	427	353	207	195
Afturkölluð/niðurfelld mál	2	23	39	56
Lokið með öðrum hætti	68	44	38	32
Lokin mál alls á árinu	497	420	284	283
Ólokin mál í árslok	26	27	55	17

Faðernismálum hefur farið fækkandi hjá sýslumanni, meira er um það að foreldrar fari til Þjóðskrár í því skyni að feðra barn, þ.e. í þeim tilvikum sem ekki er um meðlag að ræða.




# ALMENN MEÐLAGSMÁL:

ÁR	2003	2004	2005	2006
Ólokin mál i ársbyrjun	54	69	68	59
Ný mál ársins	271	258	282	260
Alls til meðferðar á árinu	325	327	350	319
Úrskurðir	61	81	95	93
Samningar	106	93	114	113
Afturkölluð/niðurfelld mál	26	31	26	27
Lokið með öðrum hætti	61	54	56	37
Lokin mál alls á árinu	254	259	291	270
Ólokin mál í árslok	71	68	59	49




**FORSJÁR- OG MEÐLAGSMÁL:**

ÁR	2003	2004	2005	2006
Ólokin mál i ársbyrjun	28	28	47	22
Ný mál ársins	422	423	368	338
Alls til meðferðar á árinu	450	451	415	360
Lokið með sambandsslitum	218	192	146	141
Lokið með samningi án sambúðarslita	114	116	134	125
Afturkölluð/niðurfelld mál	28	28	33	15
Lokið með öðrum hætti	62	67	80	61
Lokin mál alls á árinu	422	403	393	342
Ólokin mál í árslok	28	48	22	18




# MENNTUNARFRAMLAG:

ÁR	2003	2004	2005	2006
Ólokin mál i ársbyrjun	21	26	15	12
Ný mál ársins	149	138	104	138
Alls til meðferðar á árinu	170	164	119	150
Úrskurðir	32	30	24	30
Samningar	70	73	57	82
Afturkölluð/niðurfelld mál	4	8	6	11
Lokið með öðrum hætti	38	37	20	20
Lokin mál alls á árinu	144	148	107	143
Ólokin mál í árslok	26	16	12	7




**SÉRFRAMLAG:**

ÁR	2003	2004	2005	2006
Ólokin mál i ársbyrjun	17	30	26	22
Ný mál ársins	89	105	93	79
Alls til meðferðar á árinu	106	135	119	101
Úrskurðir	31	47	46	42
Samningar	22	23	17	22
Afturkölluð/niðurfelld mál	8	7	8	4
Lokið með öðrum hætti	15	32	26	16
Lokin mál alls á árinu	76	109	97	84
Ólokin mál í árslok	30	26	22	17




## HJÓNAVÍGSLUR:

ÁR	2003	2004	2005	2006
Ólokin mál i ársbyrjun	5	2	5	7
Ný mál ársins	270	265	281	313
Alls til meðferðar á árinu	275	267	286	320
Hjónavígslur	205	196	192	228
Afturkölluð/niðurfelld mál	6	11	9	5
Könnunarvottorð útgefin án hjónavígslu	59	52	77	65
Lokið með öðrum hætti	3	3	1	10
Lokin mál alls á árinu	273	262	279	308
Ólokin mál í árslok	2	5	7	12



STAÐFEST SAMVIST:


ÁR	2003	2004	2005	2006
Ólokin mál í ársbyrjun	0	1	0	0
Ný mál ársins	11	18	11	16
Alls til meðferðar á árinu	11	19	11	16
Staðfesting samvistar	7	18	11	12
Afturkölluð/niðurfelld mál	0	0	0	0
Könnunarvottorð útg. án staðfestingar samvistar	3	0	0	1
Lokið með öðrum hætti	0	1	0	3
Lokin mál alls á árinu	10	19	11	16
Ólokin mál í árslok	1	0	0	0






# SKILNAÐARMÁL:

ÁR	2003	2004	2005	2006
Ólokin mál i ársbyrjun	57	70	46	59
Ný mál ársins	619	564	574	537
Alls til meðferðar á árinu	676	634	620	596
Leyfi til skilnaðar að borði og sæng	247	231	225	222
Leyfi til lögskilnaðar	277	266	251	261
Afturkölluð/niðurfelld mál	14	12	20	15
Lokið með öðrum hætti	69	78	66	62
Lokin mál alls á árinu	607	587	562	560
Ólokin mál í árslok	69	47	58	36



*SLIT Á STAÐFESTRI SAMVIST:*


ÁR	2003	2004	2005	2006
Ólokin mál i ársbyrjun	0	0	0	0
Ný mál ársins	2	9	5	4
Alls til meðferðar á árinu	2	9	5	4
Leyfi til skilnaðar að borði og sæng	1	4	2	2
Leyfi til lögskilnaðar	1	4	3	1
Afturkölluð/niðurfelld mál	0	0	0	0
Lokið með öðrum hætti	0	1	0	0
Lokin mál alls á árinu	2	9	5	3
Ólokin mál í árslok	0	0	0	1



# FRAMFÆRSLUMÁL:

ÁR	2003	2004	2005	2006
Ólokin mál i ársbyrjun	2	6	5	5
Ný mál ársins	29	23	18	17
Alls til meðferðar á árinu	31	29	23	22
Úrskurðir	0	3	1	1
Samningar	0	0	16	9
Afturkölluð/niðurfelld mál	0	0	0	0
Lokið með öðrum hætti	25	21	1	0
Lokin mál alls á árinu	25	24	18	10
Ólokin mál í árslok	6	5	5	12


Hér er um að ræða þann hluta skilnaðarmála, þar sem samið eða úrskurðað er um lífeyri eða framfærslueyri.



*RÁÐGJÖF SÁLFRÆÐINGA: \**

ÁR	2003	2004	2005	2006
Fjöldi mála vísað til ráðgjafa	130	123	131	112
Fjöldi viðtala		291	340	333
Meðalfjöldi viðtala á mál		2,3	2,7	3

\*Heimild: Ársskýrslur sálfr. Gunnars H. Birgissonar og Jóhanns Loftssonar



*FORSJÁ EFTIR ANDLÁT:*


ÁR	2003	2004	2005	2006
Yfirlýsing um hver eigi að hafa forsjá barns eftir andlát	6	43	39	35

Yfirlýsingar um hver eigi að hafa forsjá barns eftir andlát. Ný mál á grundvelli barnalaga 2003.

## 2. DÁNARBÚ – úr málaskrá \*

ÁR	2003	2004	2005	2006
Ólokin mál í ársbyrjun	384	413	404	318
Ný mál á skrá	833	906	852	958
Enduropnuð mál	23	27	55	41
Alls til meðferðar á árinu	1239	1346	1311	1317
Lokið skv. 25. gr.	139	138	131	110
Lokið skv. 26. gr.	9	16	22	25
Búsetuleyfi	212	238	190	222
Lok einkaskipta	416	472	506	449
Opinber skipti	28	36	48	47
Lokið með öðrum hætti	2	6	34	31
Lokin mál alls á árinu	806	906	931	884
Ólokin mál í árslok	433	440	380	433

\*Þetta eru tölurnar eins og þær birtast í tölfraeðisamantekt málaskrár dánarbúskerfis. Ný mál á skrá eru ekki tala látinna í umdæminu það ár. Innbyggð villa í dánarbússforriti eins og sést t.d. á að lok ársins 2005 ber ekki saman við upphaf ársins 2006. Sjá síðan súlurit hér að neðan.



*EIGNAL AUS BÚ:*

ÁR	2003	2004	2005	2006
Samtala eignalausra búa	147	150	149	118
Látnir í umdæminu á skrá	815	866	802	914

*ERFÐAFJÁRSKÝRSLUR:*

ÁR	2003	2004	2005	2006
Erfðafjárskýrslur	525	688	735	710

3. LÖGRÁÐAMÁL:

ÁR	2003	2004	2005	2006
Mál af skrá (fjárráða, látnir, framsend)	127	122	131	156
Ný mál á skrá	108	195	168	182
Afgreiðsla erinda/skýrslna	297	384	379	359


*NÝ MÁL SUNDURGREIND EFTIR TEGUND:*

ÁR	2003	2004	2005	2006
Svipting sjálfræðis	8	9	8	6
Svipting fjárræðis	18	16	14	15
Svipting lögræðis	3	3	2	1
Erindi um ráðsmann	9	5	4	5
Ný mál vegna barna	70	161	139	155




# REKSTRARKOSTNAÐUR – FJÁRHEIMILDIR:

ÁR	2003	2004	2005	2006
Launakostnaður	188,5	205,4	245,4	235,9
Annar rekstrarkostnaður	46,1	49,8	41,1	49,0
Eignakaup	1,2	1,8	1,4	3,5
Samtals	235,8	257,0	287,9	288,4
Fjárheimildir ársins	236,0	259,4	284,5	313,3



HEILDARINNHEIMTA – FJÁRHEIMILDIR:

ÁR	2003	2004	2005	2006
Heildarinnheimta ársins	2.148.772	3.443.018	4.497.556	3.566.587
Erfðafjárskattur	357.666	501.499	454.357	525.892
Stimpilgjöld	1.381.018	2.591.072	3.727.816	2.740.025
Þjónustugjöld	410.088	350.447	315.383	300.670
Fjárheimildir	236.000	259.400	284.500	313.300



REKSTRARREIKNINGUR 2006:

Tekjur	2006	2005
Sértekjur	6.681.691	11.009.547
Markaðar tekjur	0	0
Aðrar rekstrartekjur	0	0
<i>Tekjur samtals</i>	6.681.691	11.009.547
Gjöld		
Almennur rekstur	295.114.027	298.886.570
101 yfirstjórn	295.114.027	298.886.570
<i>Gjöld samtals</i>	295.114.027	298.886.570
<i>Tekjur umfram gjöld</i>	-288.432.336	-287.877.023
<i>Framlag úr ríkissjóði</i>	313.308.000	284.494.000
Hagnaður/tap ársins	24.875.664	-3.383.023









